

Petani dan nelayan perlu ubah sikap: PM

Air mata darah tidak berguna

KEMISKINAN masyarakat nelayan tidak akan dapat dikurangkan walaupun dengan mengeluarkan air mata darah, selagi mereka kekal dengan cara menangkap ikan yang lama dan menghadkan kegiatan di sungai atau pesisiran pantai.

"Ramai daripada kita sering menyatakan kesedihan terhadap nasib nelayan. Mereka adalah golongan yang paling miskin dalam negara kita," kata Perdana Menteri, Datuk Seri Dr Mahathir Mohamad.

"Malangnya kita boleh mengeluarkan air mata darah. Kita boleh menangis seribu tahun, tetapi kita tidak akan dapat mengurangkan kemiskinan mereka," katanya.

Datuk Seri Dr Mahathir berkata, "Sebenarnya, mereka yang mempertahankan cara hidup tradisio-

KUALA LUMPUR, Rabu

nal ini menganiaya kaum nelayan. Mereka yang terlalu bersimpati dengan nelayan tradisional ini sebenarnya menghalang kemajuan nelayan."

Perdana Menteri yakin, lebih awal nelayan menerima perubahan cara moden, lebih cepatlah nasib mereka dipulih.

Beliau menyatakan demikian di Majlis Malam Pertarian Negara di Pusat Dagangan Dunia Putra, di sini, malam ini.

"Laut dalam kita adalah sumber kekayaan negara. Kita baru sahaja sedar akan hakikat ini. Sudah berpuluh-puluh tahun orang asing meneroka dan meraih kekayaan dari laut dalam kita. Kita bertempik marahkan orang-orang itu, sedangkan kita sendiri tidak berpuas atau tidak berminat mengambilnya.

"Hari ini, apabila kita mengadakan satu kerjasama dalam penangkapan ikan laut dalam, barulah kita sedar bahawa kita sudah sekian lama mengabaikan bidang yang berpotensi besar ini," katanya.

Datuk Seri Dr Mahathir yakin,

dengan wujudnya Angkatan Nelayan Laut Dalam yang meneroka bidang itu secara agresif, nelayan dan negara akan menikmati banyak faedah.

"Tetapi kita tidak boleh khayal dengan pendapat bahawa dengan menukar cara tradisional kepada yang moden, dengan sendirinya akan membawa kejayaan. Sebaliknya, persiapan yang cukup mestilah dilakukan untuk menjajaknya.

"Kita memerlukan orang-orang terlatih, terutama dalam bidang pengurusan. Hanya dengan pendekatan yang tersusun dan lengkap sahaja, kita dapat menikmati kejayaan daripada pendekatan baru ini," katanya.

Beliau menarik perhatian bahawa 16 juta rakyat Malaysia memerlukan punca makanan secara tetap dan mencukupi. Untuk itu, pembekalan makanan terpaksa dijadikan industri yang besar.

Katanya, cara tradisional tidak lagi mampu menjadi pembekal keperluan masyarakat moden dan besar.

Selaras dengan matlamat itu, Datuk Seri Dr Mahathir juga menasihati pihak yang membabitkan diri dalam sektor pertanian supaya bercita-cita besar dan sanggup bersaing.